



არასამეწარმეო (არაკომერციული) იურიდიული პირი
 „ქალაქ რუსთავის სახელოვნებო, სპორტისა და
 ახალგაზრდობის განვითარების ცენტრი“
 NNLE „ART, SPORT AND YOUTH DEVELOPMENT
 CENTER OF RUSTAVI CITY“



ბრძანება:ბ11. 38240582

თარიღი:27/02/2024

სახელოვნებო სფეროში ღონისძიებების და კულტურული აქტივობების პროექტების დაფინანსების წესის შესახებ

ქალაქ რუსთავის მუნიციპალიტეტის მერის 2023 წლის 29 ნოემბერს გამოცემული ბ38.382333318 ბრძანებით დამტკიცებული არასამეწარმეო (არაკომერციული) იურიდიული პირი - „ქალაქ რუსთავის სახელოვნებო, სპორტისა და ახალგაზრდობის განვითარების ცენტრი“ -ს წესდების მე-8 მუხლის 8,2 პუნქტის საფუძველზე,

ვ ბ რ ძ ა ნ ე ბ ე:

1. დამტკიცდეს სახელოვნებო სფეროში ღონისძიებების და კულტურული აქტივობების პროექტების დაფინანსების წესი დანართი №1 ის შესაბამისად;
2. ბრძანება ძალაშია ხელმოწერის მომენტიდან;
3. ბრძანება შეიძლება გასაჩივრდეს კანონით დადგენილი წესით, რუსთავის საქალაქო სასამართლოში (მის: რუსთავი, ბოსტან ქალაქის ქ.№6)

გიორგი დემეტრაშვილი

ქალაქ რუსთავის სახელოვნებო, სპორტისა და ახალგაზრდობის განვითარების ცენტრი-დირექტორი (დროებით მოვალეობის შემსრულებელი)

გამოყენებულია კვალიფიცირი ელექტრონული ხელმოწერა/ ელექტრონული შტამპი



სახელოვნებო სფეროში ღონისძიებების და კულტურული აქტივობების პროექტების დაფინანსების წესი

მუხლი #1

ა(ა)იპ „ქალაქ რუსთავის სახელოვნებო, სპორტისა და ახალგაზრდობის განვითარების ცენტრი“-ს მიერ კულტურის სფეროში განსახორციელებელი ღონისძიებების/პროექტების ხელშეწყობის პირობები და დაფინანსების წესი (შემდგომი - წესი) განსაზღვრავს ცენტრის მიერ კულტურის სფეროში განსახორციელებელი ღონისძიებების/პროექტების დაფინანსების წესსა და პირობებს და სხვა პროცედურულ საკითხებს.

მუხლი #2

პროექტი განსახილველად მიიღება მხოლოდ შესაბამისი საპროექტო განაცხადის ფორმით წარმოდგენის შემდეგ, შემდეგი პირობების დაცვით:

- 2.1 განაცხადები მიიღება 2024 წლის 1 მარტიდან 2024 წლის 30 მაისის ჩათვლით.
- 2.2 საპროექტო განაცხადები მიიღება ღონისძიების განხორციელებამდე 60 კალენდარული დღით ადრე.
- 2.3 განაცხადის წარმოდგენა შეუძლიათ საქართველოს კანონმდებლობის შესაბამისად, საქართველოს ტერიტორიაზე რეგისტრირებულ იურიდიულ პირს, ან საქართველოს საგადასახადო კოდექსით განსაზღვრულ მეწარმე პიზიკურ პირს (ინდივიდუალური და მცირე ბიზნესის სტატუსის მქონე მეწარმე ფიზიკურ პირს).
- 2.4 განმცხადებელს შეუძლია წარმოადგინოს მხოლოდ ერთი განაცხადი (პროექტი).
- 2.5 საპროექტო განაცხადის ფორმას უნდა ახლდეს თავსართი წერილი პროექტის შესახებ მოკლე ანოტაციით, ქ.რუსთავის მუნიციპალიტეტის მერის სახელზე.
- 2.6 პროექტში მაქსიმალურად უნდა იყოს გადმოცემული ინფორმაცია დაგეგმილი ღონისძიებებისა და შემოქმედებით-საორგანიზაციო ჯგუფის შემადგენლობის.
- 2.7 ბიუჯეტი წარმოდგენილი უნდა იყოს დასაბუთებულად.
- 2.8 პროექტის დაფინანსებაზე დადებითი გადაწყვეტილების შემთხვევაში, თუ დაფინანსება არასრულია ან მოთხოვნილია კორექტირება ან დაზუსტება, ინფორმაცია წარმოდგენილი უნდა იყოს განაცხადის დაზუსტების ფორმაში.
- 2.9 განაცხადებს (პროექტებს) განიხილავს და აფასებს შესაბამისი პროექტების განმხილველი კომისია, განაცხადების შემოტანიდან 1 თვის ვადაში და იღებს შემდეგი სახის გადაწყვეტილებას:
 - ა) პროექტის სრულად დაფინანსების შესახებ;
 - ბ) პროექტის ნაწილობრივ დაფინანსების შესახებ;
 - გ) პროექტის დაფინანსებაზე უარის თქმის შესახებ;
- 2.10 განაცხადით გათვალისწინებული პროექტი უნდა განხორციელდეს არაუგვიანეს 2024 წლის 31 დეკემბრისა.
- 2.11 აპლიკანტის მიერ საბანკო ან სადაზღვევო გარანტიის წარმოდგენის შემთხვევაში შესაძლებელია წინასწარი ანგარიშსწორება. საბანკო გარანტიის მოქმედების ვადა 1 (ერთი)

თვით უნდა აღმატებოდეს ხელშეკრულებით გათვალისწინებული პროექტის განხორციელების საბოლოო ვადას.

მუხლი #3

დაფინანსების წესში ცვლილებებისა და დამატებების შეტანა ხორციელდება ა(ა)ი.პ „ქალაქ რუსთავის სახელოვნებო, სპორტისა და ახალგაზრდობის განვითარების ცენტრის“ დირექტორის ბრძანების საფუძველზე.